



JABATAN PERLINDUNGAN DATA PERIBADI

PEMAKLUMAN

KERTAS KONSULTASI PERLINDUNGAN DATA PERIBADI

Sejajar dengan usaha untuk memperkukuh perlindungan data peribadi serta memastikan pematuhan terhadap Akta Perlindungan Data Peribadi 2010 [Akta 709], Jabatan Perlindungan Data Peribadi (JPDP) dengan kerjasama Futurise Sdn. Bhd. sedang membangunkan tiga (3) garis panduan yang bertujuan untuk memberikan panduan jelas kepada organisasi dalam aspek pemprosesan data peribadi. Garis panduan ini dirangka bagi memastikan keseimbangan di antara inovasi digital dan perlindungan hak Subjek Data terhadap data peribadi mereka.

Pembangunan garis panduan ini adalah selaras dengan Akta 709 yang mengawal selia pemprosesan data peribadi dalam transaksi komersial serta bertujuan untuk memperkukuh mekanisme pengawalseliaan data peribadi. Penyediaan garis panduan ini juga merupakan sebahagian daripada usaha untuk menyokong pindaan Akta 709 dalam meningkatkan keberkesanan pelaksanaan dasar perlindungan data di Malaysia.

Tiga (3) garis panduan yang sedang disediakan adalah seperti berikut:

- (a) **Garis Panduan Penilaian Impak Perlindungan Data / *Data Protection Impact Assessment Guideline*** - Membantu organisasi menilai risiko dan impak terhadap pemprosesan data peribadi bagi memastikan pematuhan kepada keperluan perundangan.
- (b) **Garis Panduan Mereka Bentuk Berdasarkan Perlindungan Data / *Data Protection by Design Guideline*** – Menyediakan panduan kepada organisasi dalam mengintegrasikan perlindungan data dalam setiap peringkat reka bentuk sistem dan proses.
- (c) **Garis Panduan Pembuatan Keputusan Individu Secara Automatik dan Pemprofilan / *Automated Decision Making and Profiling Guideline*** – Memberikan panduan mengenai kawal selia pemprosesan data yang melibatkan pembuatan keputusan secara automatik dan pemprofilan bagi memastikan hak individu terpelihara.

Susulan daripada itu, JDPD telah menerbitkan tiga (3) Kertas Konsultasi Awam seperti berikut :

- (a) **Kertas Konsultasi Awam Bil. 01/2025** : Garis Panduan Penilaian Impak Perlindungan Data / *Data Protection Impact Assessment Guideline*;

- (b) **Kertas Konsultasi Awam Bil. 02/2025** : Garis Panduan Mereka Bentuk Berdasarkan Perlindungan Data / *Data Protection by Design Guideline*; dan
- (c) **Kertas Konsultasi Awam Bil. 03/2025** : Garis Panduan Pembuatan Keputusan Individu Secara Automatik dan Pemprofilan / *Automated Decision Making and Profiling Guideline*.

Kertas Konsultasi Awam yang diterbitkan ini adalah bertujuan untuk mendapatkan maklum balas daripada orang awam dalam membangunkan garis panduan berkaitan.

Sehubungan dengan itu, pihak awam adalah dijemput untuk memuat turun Kertas Konsultasi Awam dan mengemukakan maklumbalas kepada JPDP selewat-lewatnya pada **19 Mei 2025 (Isnin)** melalui pautan <https://qr.me-qr.com/3zUP6l5L> atau imbas kod QR berikut :



Sebarang pertanyaan lanjut berhubung soalan atau penghantaran dokumen maklum balas tambahan berkenaan Kertas Konsultasi Awam boleh dikemukakan melalui e-mel kepada risiko@pdp.gov.my.

Sekian, terima kasih.

PROFESOR DR. MOHD NAZRI BIN KAMA
KETUA PENGARAH
JABATAN PERLINDUNGAN DATA PERIBADI

20 Mac 2025